


www.BibleForChildren.org

Matyu 26



As mate bage tavlu be ano
dongke (6) ge giengk
nangge ebe ve Juda as
Sonda Pasova menihlang ok.
Be givin sawa etok ete Yisu gimdil
gile Betania. Be nam dabe nok, ete
Lasarus, amol ebe warik Yisu ges itin
nangge taku gimat ane vukuri ok ane nam.



Bekob Malia givwat
marasin ukwas ti ebe ane
vat (mone) bamo molge ok,
gisov gen-mate ti be
gitangi Yisu gile be giro
marasin ukwas nok gireu
Yisu va bekob gisin gibui ve ei
ate dabe-lan. Marasin etok ane
ukwas givir-viri nam aplo ete eisir
imbweg ve en ben ok tiate molge.




Givin sawa etok ete eisir singamolomb 12 etok as
amol ti are Judas Iskariot gitangi bambamo ebe emb
kulkul da ane ok gile ve ninei ebe
atob nitak Yisu nisov eisir bais
ok lavo nitangi eisir.



Amolmol bambamo ebe emb kulkul da ane ok iute
Judas Iskariot ane yaun be tas vevias ge, be eisir tas
gitung ve inemb mone subu ve ei.


Beti Judas Iskariot nok ta
gitung ve ginei nili sawa
vie-ngge ti okob ninei Yisu
binge nitangi amolmol
valir ane.



Beti esir singamolomb ile be ilgum
gitangi ebe galkik Yisu ginei
gitangi eisir ok be ipasang tepwe tis
Yisu as ben nangge etok. Givin ebe
Yisu tis ane singamolomb-gen en ben
imbweg ok, be Yisu geb ben siti be
ges miengk be ginei ane ta-vie
gitangi Pomate bekob geb ben etok
vusvusa be gibwas gitangi ane
singamolomb-gen
be ginei,
"Unemb ilek
unen."



"Etenik weik ebe ayeu virongg ok."
Bekob geb wain tis kap be ges
miengk be ginei ane ta-vie gitangi
Pomate bekob geb gitangi ane
singamolomb-gen be ginei,
"Tepwengge unemb ilek be unum.
Etenik weik awangg tuwerk ebe atob
nilgum Pomate ane yaun ebe warik
gibiti ok ane nile ok. Awangg
twerk atob nimsuli
ve nisin amolmol
tepwengge as
tiate nikwai."



Be Yisu ginei gitangi Pita be ginei; "Pita, Sadam gigas gwangne be ei gitangi ebe atob nilgum mie weik ebe ilir kopi ulis gikwai ano ok. Bemem ayeu gas miengk gitangi Pomate ve mie ane veik mie aplom ninggas ayeu ta painge-ngge. Veik ginei mie guro im ate vukir be gutangi ayeu gunme vukuri, okob mie gitangi ebe atob nuro am nune-nggen ta ok weik etok ge."



Be Pita giwel Yisu avo be ginei, "Amol Bamo, Ayeu ande gas au-ate bago gikwai ve atob nambweg kapual-lu navin mie, be atob namat vunu navin mie weik etok ge." Yisu giwel Pita avo be ginei, "Pita, Ayeu nanei nitangi mie, Atob tambok etenik kavkavav niteng ite nangge be atob mie nuvkir dumem nitangi ayeu nimungg."



Yisu tis ane
singamolomb-gen imbielk
ve taku ti are Getsemani,
be Yisu ginei gitangi ane
singamolomb-gen,
"Unambweg etenik be
ayeu ve nale nas miengk
nangge eteok."



Yisu ges miengk dang-eteik
ginei; "Tamangg, mie
gitangi nulgum gen
walang ok be ano nile.
Dang etok be ayeu
tangg givin ganei mie
nuitin gen bunam eteik
nikwai ayeu. Bemem mie
nuvang mul ve awangg
tangg givin ite ma.
Mie nulgum nitangi ete
mie ate am tam givin ok."



Beti Judas nok gitwem amolmol valir ane subu be tis amolmol ebe emb kulkul da ane nangge lum yamar ok, as amolmol kambam tupe ane subu be tis eisir Parisai be ile love imbielk ve taku ete Yisu givang ok. Be eisir singamolomb nok as amol ti girun ane buyag valir ane be gispe amol bamo ti ebe geb kulkul da ane ok ane amol kulkul ane ti talngelan tavlu gili gikwai. Bemem Yisu ginei gitangi ane singamolomb gen be ginei, "Ande ulgum etok gitangi." Bekob ete Yisu gilgum amol nok talngelan be vie vukuri.



Amolmol valir ane bais gisov Yisu be inggas ile amol
bamo ti ebe geb amolmol dabin ok ane nam. Be Pita
gitau gile eisir bemem ei givang aikai-kawe-ngge.

Be givin etok ande
amolmol imban yev gile
nam luvwe yapin be
imbweg ve inaute Yisu
ane yaun. Beti Pita gile
be gile gibweg
givin amolmol ebe
imbweg ile idbul
yev ok be
gibweg.



Bekob amol bamo ebe
geb amolmol da ane
subu dabin ok, ane amol
kulkul ane ti, be amol
nok ane gwade ete Pita
gispe talngelan tavlu gili ok,
be ei ginei gitangi Pita be
ginei; "Bingano molge, mie
amol etenik ete ayeu gali mie
guvang guvin amol etenik nangge
ete um aplo ok." Be Pita ginei
vukuri ginei; "Ma ayeu ite." Be
seukie-ngge kavkavav giteng as
bamo ane. Beti Pita gimdil gile
gihlang gikwai nam luvwe be giteng anongge.





Beti eisir imdil be inggas Yisu ile
be itak Ei givarkei Pilata na, Beti
Pilata giutani Yisu be ginei, "Mie
amol bamo ebe gob amolmol dabin
nangge Juda as taku
ok me?" Be Yisu giwel
Pilata avo be ginei.



"Yaun nok ete ande mie ate gunei nok!" Pilata tang givin ve nihlang Yisu nikwai nam kapual-lu ane beti giutani amolmol vukuri, bemem amolmol tepwengge ital yaun avos bamo-ngge ginumul gitangi Pilata be inei, "Tanes Yisu nireu ei-givsangin."




Beti Pilata geb Yisu gitangi
eisir gile ve ines ei nireu
ei-givsangin. Beti eisir itwem
Yisu be ile. Yisu ei ate gigas
ane ei-givsangin be amolmol
valir ane itwem ei be ile love
imbielk ve taku ti ebe ital inei
dabas tulkwe ok. Be ital giengk
Hibru avos inei Golgada.



Kob ete es ei gireu ei-givsangin
nangge taku etok. Amolmol valir ane
es amol ailu gireu ei-givsangin givin,
amol ti gikaiwel tavlu
be ti gikaiwel
tavlu be Yisu
gisov luvwe.



Be kambam ebe gikaiwel Lum yamar bamo aplo ve gisil amolmol ve indi Pomate bwaya ok, gisiel vusa gile ake ailu. Be Yisu gital yaun avo bamo dongke be ginei, "Tamangg, Ayeu ve nahlin dalgongg matawangg ane nitangi Mie nilek." Yisu ginei yaun etok gikwai be gimat vunu.



Ei Juda as amol ti ebe ili ei inei amol
vie molge ti ok, be ei ok gisge
Amol (Kilisi) ebe Pomate ve
nihlin be be ninme ve nemb
amolmol dabin ok. Be
givin etok eisir ande
ipasang isate gikwai
ve ebe asongkob
Soki be eisir
atob

inalgum kulkul ti
nivin Soki ite ok, ve
etok eisir as Sonda.
Beti Josep gipelk ite
be givang gitangi
Pilata gile be giutani
ei ve nivwat Yisu utle
ulis nile be nispun.



Josep givgo kambam bogbogo vaku
ti be gile be geb Yisu utle ulis
nangge ei givsangin gisov
meng-gitak be gisum ve
kambam bogbogo etok.
Bekob givwat gile
gispun gisov nalk
avo ti ebe itav
nangge vat

bambamo ok. Be
gidugdug vat
taptape bamo ti
gile gisil nalk avo
ete Yisu giengk ok.



As-mate ebe Juda ipasang isate ve
indi as Sonda ok gile
gikwai kob, be imdil
tistumi ti ane kob,
bambamo ebe emb lum
mateu ane dabin ok
be tis eisir Parisai
itangi Pilata ilebe
inei, . . .



... "Amol bamo, amei tangg-amei
gitung yaun ebe amol bingkasop
ane etok ginei givin ebe
gimat vunu ite nangge
ok, ve ei ginei atob nivin
as-mate ebe ve aitol
ane ok, okob atob
ei matawe be
nimdil vukuri."




"Beti eisir ile be rungwei gile Yisu
ane umbub love
gwang-ne, be emb eisir
valir ane subu ve
inemb umbub dabin."



Juda as Sonda ma gikwai be givin
Sonda tistumi-ngge givin ebe
tumi gisov nalk ge nangge ok,
be Malia Magdala be Jems
gabu Josep tinas Malia
sulu ile ve invail Yisu
ane umbub.



Be seukie-ngge gikuri ges bamo
molge be Pomate ane ngalau
kulkul ane ti gisov nangge
gulumb ginme be gidugdug
vat bamo ebe giengk
giwei Yisu ane umbub
dobo ok gikwai be
gibweg giwei vat
bamo nok.



Be amolmol valir ane ebe emb
Yisu ane umbub dabin ok ikuri
vunu-ngge love dalgos givang
be imbieg ile itak nalk be
iengk weik ebe gen
gimat ok.




Be angela galkok ginei yaun gitangi
avie ailu ebok be ginei, "Gabu
unpelk bwaya. Ayeu ande
gatpweng are gikwai ve
yemlu urek Yisu
Nasaret ane ebe
warik amolmol valir
ane es ei gireu
ei-givsangin ok."



"Bemem ei giengk etenik ite, ei ande matawe be gimdil vukuri dang ebe warik ginei gitangi ane singamolomb-gen ok. Tau gabu unme be undi lavo ebe Josep gitak ei giengk ok okob."




Be Malia Magdala be Jems gabu Josep
tinas Malia, sulu ipelk anongge be ile
ihlang ikwai taku gimat ane
seukie-ngge bemem sulu tas
vevias ge be gabu ituvki ge ile
veinei yaun lavo nitangi Yisu
ane singamolomb-gen.



Be seukie-ngge Yisu gile vunge
ve sulu nangge luev be ginei,
"Gabu atengg-aim ireu bwaya!"
Be sulu ile imbloblo Yisu be
bais gile emb Yisu va ta be
gabu iro vas dubi supwe gisov
nalk gitangi Yisu.





Bwayage kob givin ebe eisir singamolomb 11 etok en
ben imbweg nam aplo ok, okob Yisu ei ate gibielk ve
eisir. Be gigo is gisov ebe iute amol be avie ebe ili ei
gimdil vukuri ano ok as yaun ite ok. Amol Bamo Yisu
kakie givin ane singamolomb-gen gikwai kob ete
Pomate gigas ei gireu gulumb gile gibweg gibloblo
Pomate be gigas Pomate ane gwangne.



Ve Pomate ta givin amolmol
tepwengge nangge nalk gitlek molge,
beti geb Natu dongke ge etok ginme
veik amolmol aplos nivin ei, be in-gas
ebe ve inambweg matawas nemb
ta ge ok.



Rom 3:23 Ve amolmol tepwengge nangge nalk talgum tiate beti tavang aikawe takwai Pomate ane bogbogo.

Rom 6:23 Ve luev gen tiate ane, ane ano Tanmat vunuu. Bemem Pomate ane gen vie ebe geb sinsin-ge gitangi eitit ok ane ano dangeteik; Tanambweg matawand nemb ta-ngge ve and Amol Bamo Yisu Kilisi ane.

Hibru 9:27 Ve amolmol tepwengge atob inmat vunuu bulwer dongke-ngge, be bwayage kob atob Pomate nilgum eisir as yaun nindeb mul ane.



Epeses 2:8,9 Be gisov Pomate ane yaun bwaibwaya ane ge beti ei geb yem ru ve gisov yem apongg-aim givin Kilisi. Velob yem unei bwat yem ate ulgum gen etok bemem ma, etok gen ebe Pomate geb sin-gege gitangi yem ok. Dangetok be amol ti gitangi ebe ve avo nivwat ate ve gen etok ane ok ite, ve kulkul ebe yem ulgum ok ane ano etok ite.

Rom 10:9,10 Be ginei mie nunei nisov avom nunei Yisu Ei Amol Bamo, okob atob Pomate nemb mie ru. Ve eitit and aplond givin meng-gihlang nangge aplond, beti Pomate gital eitit ginei amolmol vie ane. Be tanei and aplond givin vusa meng-gihlang nangge avond, beti Pomate geb eitit ru.



Jon 3:16,17 Ve Pomate ta givin amolmol tepwengge nangge nalk gitlek molge, beti geb Natu dongke ge etok ginme veik amolmol aplos nivin ei, be in-gas ebe ve inambweg matawas nemb ta ge ok. Pomate gihlin Natu ginme nalk ve niute be nipasang amolmol nalk ane as yaun, weik amol ebe giute giute amolmol as yaun ok ite ma. Ei gihlin Natu be ginme ve nemb amolmol ru.

1 Jon 5:11-13 Be yaun ete Pomate ginei ok ane dabe dangeteik; Pomate gihlin Natu be ginme veik eitit tanambweg matawand. Dangetok be amol ti ginei nivang nivin Pomate Natu, atob ei nimbweg matawe nemb ta-ngge. Be amol ti ginei nivang nivin Pomate Natu ite, amol etok atob nimbweg matawe nemb ta-ngge ite ma. Ayeu garo yaun etenik gitangi yem amolmol ebe apongg aim givin Pomate Natu ok, veik unatpweng are ve yem atob unambweg matawangg aim dangetok nemb ta-ngge.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Iwal Bible (kbm) © 1984, Wycliffe Bible Translators,
Inc. All rights reserved.

<https://live.bible.is/bible/KBMTBL/MAT/1>

©2026 Bible for Children, Inc.

www.M1914.org

www.bibleforchildren.org

